

LO CONVERTI 25 DI JANUARI COMO FECHA NACIONAL

ORANJESTAD (AAN):
Ministro Presidente Nelson
Oduber a indica cu Gobierno
a tuma un decision cual no
por ser ehecuta e aña aki
ainda, y kizas otro aña si.

Ta asina cu paisnan latino
y esnan den area di Caribe tin
e costumber y tradicion di ta

conmemora fecha di nace-
mento di cualkier persona
distingui y famoso.

Pensando riba esaki, Go-
bierno a haya cu ta bon pa
conmemora e fecha di 25 di
Januari como e fecha na-
cional pa Aruba, como cu

esey ta e fecha di nacemento
di e gran estadista Arubano
Betico Croes (q.e.p.d.).

Gobierno lo haci e
tramitenan aki via caminda
normal y tur indicacion ta cu
otro aña e ta full den
ehecucion.

Diario. - (25 januari 1992)